

HUANIJA PEA ETEHUE'YO PEA BECA PEEJJIMA 3 JUAN

Huanija pea etehue'yo, quijjeyeje nei oja tehue

¹ Eya Huani, Jesosaja epeeiji jaahuanajji etii. Ecuea epeeiji Cayo, eyaya jiquio esohui tehueña miquea ebajji. Esejaya quea boti nee nee Jesosaja esohui e'e nei. Jamajjeya miya ecuea epeeiji nei, ecuea quea boti nee nee. ² Ecuea epeeiji, eya Eyacuiñajji nijje mimiani mijo jama ba'a: —Eyacuiñajji, jecuea epeeiji Cayo jaahuanacue! Oya Jesosa nijje quea ja'a nee jjapeequiani. Jamajjeya ñoya quea ja'a nee ba'e meesahuacue! —eya poani.

³ Jesosaja pea epeeiji cuana e que poeyanaje. Ohuaya eya huohui canaje jama ba'a: —Cayo quea pame nee nee ba'yani. Ohuaya Eyacuiñajji esohui jayojja jama atiitii cani —eya acanaje pea cuaa.

E'e, miya Eyacuiñajji nijje jjapeequiani quea pame nee. Jamajjeya eya quea bihui nee nee poani mijo. ⁴ E'e, ojjaña Jesosaja epeeiji cuana ecue bacua cuana jama. Jamajjeya Jesosaja esohui quea pame nee jama ba'yanijo, eya quea bihui nee nee poani shajja'ajja majje.

Huaní quea bihui nee poani Cayojo

⁵ Ecuea epeeiji Cayo, miyaya Jesosaja epeeiji yahuajo miquea eba pojjeama cuana jaahuanaña quea pame nee, mi que poeyajo. ⁶ Jamajjeya Jesosaja epeeiji cuaa poe majje ecuana huohui

canaje jama ba'a: —Cayohua Jesosaja epeejji cuana quea jea nee acani —jamaya onaaya eya acaña'yonaje.

jJesosaja epeejji cuana poqui meesahuacue! Jamaya quea pame nee. Eyacuiñajjijo chaco canijo, oya cuana ojaya quea boti nee. Jamajjeya ¡miyaya oya cuana jaahuanacue quea pame nee; a'a jaahuanapajea'yojji! ⁷ Oya cuana poquiani ojjaña meshi cuana huasijje Jesosaja esohui huohuiya. Poquije oya cuana Jesosaja epeejji pojjeama nijje mimi jjima poani jama ba'a: —¡Ba'e meesahuacue mo! —jama po ajjaya oya cuana. ⁸ Jamajjeya eseyaya Jesosaja epeejji poaniya ¡Jesosaja esohui huohuijji cuana poqui meesahuacue! Jamaya eseyaya o jayojjaya Jesosaja echacojji poani.

Dejja Diotepe bajjani quea mimishi poanaje

⁹ Eyaya esohui tehue'yonaje Jesosaja epeejji cuana jomajo tii ba'e yasijje. Jamatii Diotepeya ecuea etehue'yo jama a sa po'yo ajja. Jomajo tii oya Jesosaja epeejji cuana jaahuanajji oe nei nequi sa poani, Diotepe. Oya mimi sa po ajja jama ba'a: —E'e, Eyacuiñajjiya Huani huoojea ca'yonaje. Jamajjeya ¡Huaniya esohui shajja'ajjacue!

¹⁰ Miquiana que poe'yo majje eyaya huohuije'yo Diotepe ba'yani quea mimishijo. Oya ecuanajo maimaiani, niñebe cani quea tai. Siajje poani. Jesosaja pea esohui huohuijji cuana oque poquiajo, Diotepe onijje jjapeequi'yo ajja. Oya o bobia ajja. Pea cuana bobia mee ajja pea'ai. Onaa bobia sa acanijo, oya quea tecue poani: —¡Pea esohui huohuijji bobia sa añajo miquianaya aje oe

Jesosaja epeejji pojjeama! Jamajjeya ja'a ecuana nijje jjapeequijji! —jamaya acani Diotepeya.

¹¹ Ecuea epeejji Cayo, ja'a dejja quea mimishi jama pojji! Dejja cuana quea pame poani cuana Jesosaja epeejji poani. Quea mimishi poani ca ca Jesosaja epeejji pojjeama.

Dejja Demetio bajani quea pame poani

¹² Ojjaña dejja cuana queabihui nee mimiani Demetiojo jiquio jama ba'a: —Demetiohua quea pame nee acani —poani cuana. E'e, Edojjoshahua Pameya Demetiojo Jesosaja epeejji cuana mimi meesahua cani quea pame nee. Ecuea esohui ojo e'e nei poani. Jamaya miquea eba.

Esohui quea bihui nee epo meeiji

¹³ Cayo, quea huiso esohui huohui sa poani eya mi que. Tehuetehue majamaja sa po ajja ca iña. ¹⁴ Jamajjeya quijje pishana eya poqui sa poani mi ba o'oya. Mi ba majje mimije o'oya. ¹⁵ ¡Eyacuiñajjiya miya quea bei nee capo mee cahua! Ojjaña miquea epeejji cuana jiquiojo ba'eya jama acani ba'a: —¿Achajja acuae mi ani so'o, Cayo?

¡Ojjaña ecuanaja epeejji cuana nijje mimicue ejo jama ba'a: —¿Achajja acuae nequiana so'o? Huani poani —acue!

Mahuiso. Eyaya, Huaniya, Jesosaja epeejji cuana jaahuanajji etiiya jiquio esohui tehueneaje. Apoa.

Eyacuiñajija Esohui New Testament in Ese Ejja (BL:ese:Ese Ejja)

copyright © 2012 Wycliffe Bible Translators, Inc.

Language: Ese Ejja

Translation by: Wycliffe Bible Translators, Inc.

Ese Ejja [ese], Bolivia

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Ese Ejja

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-23

PDF generated using Haiola and XeLaTeX on 11 Nov 2022 from source files
dated 29 Jan 2022
88838088-e20d-51ca-8c91-69194f5ae678